

Quando Conradus marchio cepit cancellarium Christianum.

CAP. LXXXVII.

Anno MCLXXXI [a] Conradus marchio [b] de Monteferrato cepit cancellarium Christianum [c] et, fere per annum, multis vinculis ferreis ipsum tenuit illaqueatum; eo quod Marchiam de Guarnerio [d] et magnam partem Italiæ tyrannice devastaverat [e]. Tandem maxima recepta pecunia eum dimisit; cuius novissima pejora fuere prioribus [f].

Quando Faventini ceperunt cc pedites [g] apud Sanctum Anastasium Imolensium.

CAP. LXXXVIII.

Post admirabilem Virginis partum [h] anno MCLXXXI Faventini quadam die ceperunt apud Moredanum [i] bene ducentos pedites Imolenses. Alia vero die, cum pauci Faventinorum milites versus Imolam equitassent, ipsos usque castellum Imolæ persecuti sunt [j] Imolenses, ex quibus quosdam ceperunt ac occiderunt.

Quando inter nos et comitem Guidonem Guërram pax est reformata.

CAP. LXXXVIII.

Hoc siquidem anno pax et concordia inter nos et comitem Guidonem ac Imolenses, Deo dante, est reformata, præfato comite pro tota terra sua, quam habebat in Romania, Faventinis pro quolibet anno reddente bisantium [k] (71*). Porro Imolenses duo pallia Faventinis et totidem Bononiensibus reddere annuatim sunt juramento astricti, quæ erant circum civitatem, pro parte magna destructis (71*). Hoc autem anno Faventini et Bononienses reedificaverunt iterum castrum Sancti Cassiani, revocatis habitatoribus.

[a] Anno MCLXXXI. Sic Codd. omnes. — [b] Conradus marchio, C. M.; Coradus marchio, C. V. — [c] tyrannice devastaverat, C. M.; tyrannide devastaverat, C. V. — [d] fuere prioribus, C. M.; fuere pejoribus, C. V. — [e] cc pedites, C. M.; cc milites, C. V. — [f] Post admirabilem Virginis partum, C. M.; in quo, post amirabilem etc. In C. V., solum, eodem anno. — [g] apud Moredanum, C. M.; apud Mordanum, C. V. — [h] persecuti sunt, ex recensione Cl. Mitt., C. M.; prosequuti sunt, C. V. — [i] bisanzium, C. M.; bisantium, C. V., monetae aureae cujusdam species.

[A] Vide Animadv. n. 71.

[B] Marchia de Guarnerio, æque sonat ac Marchia de Camerino; neque debet confundi cum Marchia Anconitana.

[C] Apud Moredanum, vulgo Morduno. Castrum est ab urbe Imolensi, versus septentrionem, quinque milliariis dissitum. Mordanum, sive Sanctum Anastasium, perinde esse cum Cl. Mitt. credimus.